



"REGIONALNA DEPONIJIA MOŠĆANICA" d.o.o. ZENICA
Moščanica bb, 72000 Zenica, Bosna i Hercegovina
Tel: 032 / 44 63 60, Fax: 032 / 44 66 34,
www.rdm.ba e-mail: deponija@bih.net.ba
Identifikacioni broj: 4218003170004, PDV broj: 218003170004,
Registarski broj: U/I-3232/02 (Kantonalni sud Zenica)

Broj: 02-82/25
Zenica: 17.02.2025. godine

Na osnovu člana 64., stav (1), tačka b) i člana 70., stav (1) i (3) Zakona o javnim nabavkama („Službeni glasnik BiH“, broj 39/14, 59/22 i 50/24), člana 35. Statuta Privrednog društva "REGIONALNA DEPONIJIA MOŠĆANICA" d.o.o. Zenica a na preporuku Komisije za javnu nabavku, imenovane Odlukom, broj: 02-36/25 od 23.01.2025. godine u otvorenom postupku nabavke "Nabavka rezervnih dijelova uređaja za prečišćavanje deponijskog filtrata", direktor Privrednog društva "REGIONALNA DEPONIJIA MOŠĆANICA" d.o.o. Zenica (u daljem tekstu: Ugovorni organ) donio je:

ODLUKU

o izboru najpovoljnijeg ponuđača i dodjeli okvirnog sporazuma za nabavku rezervnih dijelova uređaja za prečišćavanje deponijskog filtrata

Član 1.

Prihvata se preporuka Komisije za javnu nabavku, broj: 02-81/25 od 17.02.2025. godine i okvirni sporazum za nabavku rezervnih dijelova uređaja za prečišćavanje deponijskog filtrata dodjeljuje se ponuđaču **IZOBIT D.O.O. Brčko Distrikt**, na osnovu njegove ponude, broj TR-01/25 od 04.02.2025. godine i to za ponudenu cijenu od 93.500,00 KM bez PDV-a, kao najbolje ocijenjenom.

Član 2.

Prijedlog Okvirnog sporazuma dostavit će se na potpis izabranom ponuđaču – **IZOBIT D.O.O. Brčko Distrikt**, nakon što se ponuđač obavijesti o izboru najpovoljnije ponude i Odluka postane pravosnažna i konačna.

Član 3.

Ova odluka objavit će se na web-stranici Ugovornog organa (www.rdm.ba) istovremeno sa upućivanjem primjerka odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavit će se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke "Nabavka rezervnih dijelova uređaja za prečišćavanje deponijskog filtrata" za potrebe Ugovornog organa pokrenut je Odlukom o pokretanju postupka javne nabavke, broj: 02-35/25 od 23.01.2025. godine. Javna nabavka je planirana u Planu javnih nabavki za 2025. godinu i evidentirana je u istom pod rednim brojem 2.

Procijenjena ukupna vrijednost javne nabavke je 95.000,00 KM bez PDV-a. Okvirni sporazum se zaključuje na period od najviše jedne (1) godine odnosno do iskorištenosti procijenjene vrijednosti javne nabavke, u ovisnosti od toga koji se od ova dva uslova prvi ispuni.

Javna nabavka je provedena otvorenim postupkom u skladu sa Zakonom o javnim nabavkama. Kriterij za ocjenu ponuda je "najniža cijena" prihvatljive ponude.

Dana, 23.01.2025. godine na portalu javnih nabavki (www.ejn.gov.ba) je objavljeno Obavještenje o nabavci, broj: 362-1-1-21-3-10/25.

Komisija za javnu nabavku imenovana je Odlukom direktora Ugovornog organa, broj: 02-36/25 od 23.01.2025. godine.

Dana, 17.02.2025. godine Komisija za javnu nabavku dostavila je Zapisnik o ocjeni ponuda, broj: 02-81/25 od 17.02.2025. godine u postupku javne nabavke "Nabavka rezervnih dijelova uređaja za prečišćavanje deponijskog filtrata".

U Izvještaju (Zapisniku) o radu Komisije je utvrđeno da je Komisija u skladu sa Zakonom o javnim nabavkama blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik.

Na osnovu toga, utvrđeno je sljedeće:

- da su ukupno dostavljene tri (3) ponude,
- da su blagovremeno zaprimljene tri (3) ponude,
- da nije bilo neblagovremeno zaprimljenih ponuda,

Nakon izvršenog otvaranja ponuda, Komisija je pristupila analizi dokumentacije priložene u ponude u smislu provjere njene validnosti s obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponude a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama i svim pripadajućim podzakonskim aktima. Komisija je utvrdila da su cijene kod ponude u okviru procijenjene vrijednosti za predmetnu javnu nabavku.

Komisija za javnu nabavku je nakon izvršenog uvida u ponudu (broj: Q_BIH 250212) ponuđača **HOFSTETTER ENVIRONMENTAL SRL** ocijenila da je ista **NEPRAVILNA** iz razloga što ponuda nije pripremljena u skladu sa zahtjevima odnosno instrukcijom o pripremi ponude propisane Tenderskom dokumentacijom.

Razlozi za ocjenu predmetne ponude nepravilnom su sljedeći:

(1) Ponuda nije uvezana i numerisana na propisan način.

U tački 15. Tenderske dokumentacije Ugovorni organ je propisao obavezu i način uvezivanja i numerisanja ponude. S tim u vezi propisano je sljedeće:

"Ponuda se čvrsto uvezuje na način da se onemogućí naknadno vađenje ili umetanje listova".

"Pod čvrstim uvezom se podrazumijeva da ponude moraju biti uvezane/ukoričene u knjigu ili da ponuda bude uvezana u fasciklu sa metalnim mehanizmom ili uvezana spiralnim uvezom i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom dobavljača a u svrhu izbjegavanja manipulisanja stranicama ponude".

"Za Ugovorni organ nisu prihvatljive ponude uvezane samo "u spiralu" ili PVC fasciklu bez jamstvenika".

"Ukoliko ponuda ne bude čvrsto uvezana i numerisana na gore navedeni način ista će se smatrati neprihvatljivom, neće se ocjenjivati i biti će odbačena iz daljnjeg postupka nabavke".

"Svi listovi ponude moraju biti numerisani brojevima (npr. 1, 2, 3... ili 1/10, 2/10, 3/10...) na način da je vidljiv redni broj stranice".

Uvidom u ponudu ponuđača HOFSTETTER ENVIRONMENTAL SRL utvrđeno je da je ponuda dostavljena sa "spiralnim uvezom", ali da nije osigurana jamstvenikom na način kako je propisano. Također, niti jedna stranica u ponudi nije numerisana na način kako je propisano.

(2) Izjava o ispunjenosti uslova iz člana 49. Zakona o javnim nabavkama Tehnička i profesionalna sposobnost u postupku nabavke roba (ANEKS 6.) - nije ovjerena pečatom ponuđača.

U tački 13. Tenderskog dokumenta pod C. Tehnička i profesionalna sposobnost u postupku nabavke roba - (član 48 i 49 ZJN) propisano je sljedeće:

"Za dokazivanje ispunjavanja uslova tehničke i profesionalne sposobnosti u postupku nabavke robe, ponuđači moraju dostaviti sljedeće dokumente (dokaze):

- a) *Izjava ponuđača (na obrascu Aneks broj 6. potpisana i od ponuđača ovjerena), da će isporučivati samo nove, nekorištene i originalne rezervne dijelove sa kataloškim brojevima preporučenih od proizvođača uređaja za prečišćavanje deponijskog filtrata "ROTREAT ABWASSEREINIGUNG", Austrija ili proizvođača rezervnih dijelova koji su homologirani sa uporednim kataloškim brojem originalnog rezervnog dijela".*

"U slučaju da se u ponudi ne dostave traženi dokazi navedeni u ovoj tenderskoj dokumentaciji ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju".

Na obrascu Izjave jasno je naznačeno i predviđen prostor za "Potpis i pečat ponuđača".

Uvidom u ovu Izjavu u ponudi Ponuđača utvrđeno je da ista nije ovjerena pečatom Ponuđača, već je ista ovjerena od strane Odjeljenja za opštu upravu Grada Banja Luka, što je u suprotnosti sa zahtjevima propisanim Tenderskim dokumentom.

(3) Dokument, kojim se dokazuje ispunjenost uslova iz člana 46. Zakona o javnim nabavkama, nije preveden na jedan od službenih jezika u BiH od strane ovlaštenog sudskog tumača za jezik sa kojeg je prevod izvršen.

U tački 15. Tenderskog dokumenta propisano je sljedeće: *"Inostrani ponuđači čija je dokumentacija kojom dokazuju svoje kvalifikacije za učešće izdata na jeziku koji nije službeni jezik u Bosni i Hercegovini, obavezuju se dostaviti u ponudi prevod tih*

dokumenata na jednom od službenih jezika u Bosni i Hercegovini a koji mora biti izvršen od strane ovlaštenog sudskog tumača za jezik sa kojeg je prevod izvršen".

U ponudi je dostavljen dokument pod nazivom CERTIFICAT DE INREGISTRARE pisan na stranom jeziku, te prevod tog dokumenta, pod nazivom REGISTARSKI CERTIFIKAT, na jednom od službenih jezika u BiH koji je ovjeren pečatom ponuđača. Međutim, prevod ovog dokumenta nije izvršen od strane ovlaštenog sudskog tumača, kako je to propisano u Tenderskom dokumentu.

U članu 57. Zakona o javnim nabavkama je propisano da se kod pripreme ponude "*U postupku javne nabavke ponuđač pridržava zahtjeva i uslova iz tenderske dokumentacije*". Također, u tački 14. Tenderskog dokumenta propisano je sljedeće: "*Ponuda mora minimalno sadržavati sve zahtijevane elemente kako bi se smatrala potpunom. Ponuda koja ne bude sadržavala sve zahtijevane elemente biti će odbačena*", dok je u tački 15. propisano da "*Pri pripremi ponude ponuđač se mora pridržavati zahtjeva i uslova iz Tenderske dokumentacije. Ponude koje nisu u skladu sa ovom tenderskom dokumentacijom će biti odbačene kao neprihvatljive*".

Cijeneći sve naprijed navedeno Komisija je ponudu ponuđača HOFSTETTER ENVIRONMENTAL SRL ocijenila kao nepravilnu jer nije u skladu sa zahtjevima Tenderske dokumentacije.

Nakon izvršenog pregleda i ocjene ponuda ponuđača DIT d.o.o. Tuzla i ponuda ponuđača IZOBIT d.o.o. Brčko distrikt BiH, Komisija za javnu nabavku je ocijenila da su ponude prihvatljive i da ispunjavaju sve formalno-pravne uslove predmetne nabavke, te da se mogu unijeti u sistem e-aukcije.

Utvrđeno je da nema neprirodno niskih cijena i da su ponude u okviru planirane vrijednosti nabavke. Ponuđači su najavili da nemaju namjeru vršiti podugovaranje u ovom postupku javne nabavke

Nakon završenog pregleda i ocjene svih ponuda, u sistem e-aukcije na portalu javnih nabavki unesene su sve prihvatljive ponude i zakazana je e-aukcija na dan 17.02.2025. godine u 09:10 sati.

Nakon provedene e-aukcije, prema "Izveštaju o toku i završetku e-aukcije", rang lista ponuda je sljedeća:

Rang	Naziv ponuđača	Ponuđena cijena (bez PDV-a) u KM
1.	IZOBIT D.O.O.	93.500,00
2.	DIT D.O.O. TUZLA	93.550,00

Komisija je konstatovala da nije bilo neprirodno niske cijene.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjele ponude u skladu sa Zakonom o javnim nabavkama i kriterijima iz Tenderske dokumentacije.

Uzimajući u obzir naprijed navedeno, primjenom člana 64., stav (1), tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Ugovornom organu, najkasnije u roku od 10 (deset) dana od dana prijema Odluke.

Direktor



Mia Pojskić, dipl.oec.,cr.cir.

Dostaviti:
1x Ponuđačima
1x a/a